



Avîz trové d' qui on- avéve scroté l' idêye d' l' IN.NMI ? Nén co ? L' èst vray qui c' n' èst nén fwârt auji. Dji m' disvoye trop aujîymint, ènndon ? Èt bén, dji m' va vos doner ène novèle tchance di vos mostrer malèn. Ça s' lome :

PO FINI

Po polu rvoye l' vile d' au pus lon,
L' cwâr contint dj' a gripé l' tiène.
Ospitau, bordèl, purgatwêre, prîjon,

Tèl sais bén, diâle, mèsse grangrène,
Lès vèsses s'î spanichenut come fleurs.
Dji nd' aléve nén là po staurer m' pwène.

Mins, vî rouleû qu' a co do keûr,
Dji voléve i rtrover l' goût d' ène comère,
Ène trin.nêye, èt rsinte d' pus près s'
tchaleûr.

M' î rafiÿî, m' î radjon.ni. L' bèle afère,
Èle dwarméve todi è sès linçous do matén,
Pèsante, grigneuse, mau s' tièsse come tofèr.

Dins l' anûti tot stwèlî d' ôr fén.
Dji rvwè voltîye sès laurdjèsses di plêjis.
Compurdoz pokwè dji raplique vèci si
sovènt ?

*

*C' èst sûr qui ça n' rixhène pus qu' d' au lon,
mins i m' xhone qu' in ptit êradje di famille i
dmère co. Qwè z-è dijoz ?*

Rabulètrîye Rabèlêsin.ne

L' grand chalé s' volant coutchî
Avou ène novèle bauchèle
A sayî tot bièssmint d' muchî
In gros mârtia adlé l' bèle.

"O ! m' bia galant, nd' ala-t-èle,
Qué maka avoz là pougnî ?"
"C'èst po vos bén mia cougnî !"
"D' mârtia, rît-èle, n'è faut pont.
Quand l' Djan-Pîre vént è m' bèso gnî
I n' mi stitche qui do bordon."

C'èst l' vrê qu' cougnèt sins fêl mantche
N' siève nén come cayèt sans pougnîye.
C' èst mia qu' yin dins l' ôte s' èmantche,
Deûr mantche faît l' boune cougnîye.

*

*Cki chût èst fou di "L'Xhume dès djoûs" da
Boris Vian. On s' dimandrève bén si ça z-a
ène sakwè à vîre avou c' qu'on ètind
tanawète amon dès (sapinse-t-i) waloneûs...
Sèton mauy ?*

Chapite LXVIII :

- Po dire li vrêy, di-st-i l' tchèt, ça n' mi satche qui wêre.
- V's-avoz twârt, di-st-èle li sori. Dj' seû co tote djon.nète èt, djusk'a t' aleûre, avou todi do bon amougnî à m' mète èl l' panse.
- Mins, di rén, dji n' manke non pus, di-st-i l' tchèt, èt dji n'a nén dins l' idêye di m' touwer. Vèyo adon pokwè ça n'm' sibare nén d' pus qu' ça ?
- C' èst paski vos n'l' avoz nén vèyu, di-st-èle li sori.
- K'a-t-i don faît ? d'manda l' tchèt. I n' èstéve nén atiré po z-è sawè d' pus. I fiéve stofant èt sès pwèls èstîne tertos bén èlastike.
- Il è-st-asto d' l' eûwe, di-st-èle li sori, i ratind. L' momint arivé, i nd' îra dsus l'

plantche èt au mitan sî djoker. I vwèt ène sakwè.

- I n' pout vîre ki wêre, di-st-i l' tchèt. P'tète ène fleûr di basse ? aloz sawè.

- Siya, di-st-èle li sori, i ratind qu'i rvègne au djoû po l' tuwer.

- C'èst bièsse, di-st-i l' tchèt, ça n'a pont d' agrè.

- Kan l' eûre èst oute, r'cassa l' sori. i rvint dsus l' abwèrd èt riwêf l' portraît.

- N' magne-t-i mauy ? d'manda l' tchèt

- Non.na, di-st-èle li sori, èt i toûne flauwe. Dji n' pout nén m' î acostumer. Ink di cès djoûs i s' va trèbuker d'sus c' grande plantche-la.

- A vos à vos mèler d' ça ? di-st-i l' tchèt. Il èst mâlureus, èt pî kwè ?

- I n' èst nén mâlureus, di-st-èle li sori, i l'è-st-anoyéûs. Dji n' pou nén l' admète. A s' clincî si fwârt, i va fini pa tchère è l' eûwe.

- Dins c't' astchèyance-la, di-st-i l' tchèt, dji vou Bén Bén vos fé plêji, mins dji n' vwè nén pokwè dji di "dins c't' astchèyance-là", paski dji n' comprind rén à tot çoula.

- V's-èstoz Bén bon, di-st-èle li sori.

- Muchoz vosse tièsse è m' gueûye, di-st-i l' tchèt, èt ratinde.

- Esseki ça pout durer lontimps ? d'manda l' sori.

- L' timps qu' ène sakî m' rote dsus l' keûwe, di-st-i l' tchèt ; i m' va falu r'bloncî d' in randon. i n'vos faut é nn' awè peû, dj'i m'va l' lèyî Bén sitindeûwe. L' sori dovri au laudje lès massales do tchèt èt z-î stichî s' tièsse inte lès côpants dints. Èle s' è risatcha cauzu tot rade.

- Dijoz, di-st-èle li sori, avos magnî do pèxhon, po djuner ?

- Khoûtoz, di-st-i l' tchèt, si ça n' vos plaît nén, vos vos ploz ènn'daler. Mi, c't' èmantchûre là m' tape d'sus l'sistème. Arindjoz-vos tote seûle.

Èle avève l' âr di s'mautoûrner.

- I n' vos faut nén l' maû prinde, di-st-èle li sori.

Èle sèra sès ptits nwârs ouy èt r'muchî s' tièsse à place. L' tchèt rèsèra avou sogne sès pwintus dints dsus l' grîje èt douce anète. Lès pwèls dès deûs mostatches s' mèlîn.ne èxhone. L' pwèlûwe keûwe s' disrola èt si

stinde dsus l' trotwâr. Arivîne, tot tchantant, onze pititès-aveûles d' l' orfulina d' Djules l' Apostolike...

*

Vos rimimbroz qu' on vos donève atanawète dès novèles di c' qui s' passève au pays oucobén à l' ètrandjîr' ? Èt Bén, on si va nén djoker dèl rifé :

Insi, l' Pinotchèt s' vout fé passer pou djondu èt djouwer au doû po nén s' fé calindjî èt insi dmèrer (èt moru ?) inocint, piski n'a nén stî rconchu coupâbe èt don nén conané.

*

L' MIRWÈ

A l' voye, in rèdjimint di spawetas s' arins apeûris èt pèter èvoye. I muche è s' riwêfî dins l' mirwè.

"- Pokwè vos-v' riloukîz dins l' glace, piski vos n' ploz nén vos-î vîre voltîye ?"

Plêjant à d' ène trake s' fé r'toûner l' porcèssion do Doudou, i m' ricasse : "Mossieû, dispû 1789, tos lès omes ont lès min.mès drwèts; adon, dj' a l' drwèt d' mî murer, qu' ça fuche avou plêji ou nén."

Dins l' bon sens, dji d'véve awè réjon, mins dins l' drwèt do djeû, i polève è fé à s' môde.

(D' après "Li Spleen di Paris")

